

noyé dans le grand fleuve qui a feruy de sepulchre à son corps: Pour son ame, ie ne puis quasi douter qu'elle ne foit au Ciel; car outre qu'il estoit nouvellement baptisé, & encore tout remply du S. Esprit; vous euffiez dit que Dieu le dispoit à ceste mort; car vn peu deuant que de s'embarquer, le Pere le voulant faire déjeuner pour ce qu'il auoit trauaillé, il le refusa; & comme le Pere le preffoit, il luy dit: L'ay pris resolution de ieufner aujourd'huy pour comunier demain; ce qu'il fit: & peu de temps apres Nostre Seigneur l'appella à foy.

Venons à nos ieunes Montagnets & Algonquins: Ces ieunes enfans aagez de douze à quinze ans pour la plupart, nous ont appris deux belles veritez; l'une, que si les animaux font capables de discipline, beaucoup plus les ieunes enfans Sauvages: l'autre, que la seule education manque à ces pauvres enfans, ayas l'esprit aussi bon que nos Europeans; [138] cōme on verra par ce que ie vay dire.

Vn petit afnon sauage n'est pas né dans vne plus grande liberté qu'un petit Canadien; cependant quand ces enfans se voyent dans vn seminaire, ils se rangent doucemēt aux petits exercices qu'on exige d'eux: Ils font leurs prieres à deux genouils soir & matin; cinq d'entr'eux estant baptisez affistoient tous les iours à la Messe: Quand ils estoient au Seminaire deuant le Baptesme, ils ne l'entendent que iusques apres l'Euangile; ils seruent au Prestre à l'Autel avec autant de grace & de modestie, que s'ils auoient esté éleuez dans vne academie bien réglée. Ils se trouuent aux heures qu'on les instruis, s'entr'ayment les vns les autres; mais aussi leur faut-il donner la liberté de se recreer; & comme on ne les meine pas par la crainte,